

Framtidsretta forskning på Sandane

Nakkeslengpasientar skal få tilrettelagt behandling. Eit forskingsprosjekt skal i gong ved Firda fysikalsk-medisinsk senter (FFMS) for å klargjere effekten av senterets behandling av nakkeslengskader.

Av: Runa Victoria Engen

Medan resten av det offentlige helsevesenet har gitt opp nakkeslengpasientar kan dei reise til Sandane og få behandling av manuellterapeut Bertel Rune Kaale ved FFMS. Han har forska på denne typen nakkeskader i 12 år og tilbyr ei skreddarsydd behandling som har hjulpet mange tilbake til eit normalt liv.

Kostbart

Per i dag må pasientar ved klinikken dekke reise og opphald sjølv fordi Rikstrygdeverket berre dekkar reisa til næraste manuellterapeut. Med resultatet frå prosjektet som grunnlag ynskjer helsemyndigheitene no å legge tilrette ei behandling for denne pasientgruppa. Forskingsprosjektet har som mål å dokumentere effekten av behandlinga, og er nødvendig fordi Kaale er i ferd med å ta doktorgrad i diagnostisering av nakkeslengskader, ikkje i behandling av det.



Foto: Arne Stubhaug
SKREDDARSYDD: Mange reiser langt og må betale dyrt for å få behandling hos Kaale ved FFMS.



Foto: Arne Stubhaug
GOD BEHANDLING: Manuellterapeut Bertel Rune Kaale har vore veien tilbake til arbeid for mange med nakkeslengskadar.